

Was sonsten in den Würtz- vnd Lust gärten ge-
seet/gestecket vnd angerichtet werden solle/wissen ge-
schickte vnd wol erfahrene gärtner am besten die zeit
vnd masse zu treffen.

Die Hürden wieder ins Feld zu schlagen vnd zu
pferchen/anzufahren vmb mitfasten oder balde hernach
her/wenn es gewitters halben geschehen kan / vnd
das schafviehe auch genieß oder genugsam fütterung
zu felde findet / daß sich ohne stallfütterung erhal-
ten kan.

Fischkörblein legen / vnd reusen fortschlagen/
Im Hopffen zu arbeiten vnd zuschneiden.

Sommergersten seen vor oder nach Ostern/nach
gelegenheit der Warmen oder Kalten Felder vnd
Witterung.

Zum Bienen sehen/wenn ein heller vnd stiller
Tag ist.

Strohband zum getreidig/auch Dachschäbe ma-
chen zu lassen.

Weehl mahlen lassen / so den Sommer vber wol
liegen mag.

Schaafhürden zur notdurfft reussen vnd ma-
chen lassen.

Die